

آبونه شرائطی : هر زیر ایچول
سنه لکی (۲۷۵) آلتی آیانی
(۱۵۰) ممالک اجنیه ایچون
سنه لکی ۳۲۵ غروشد.

نسخه سی ۵ غروشد
ایکی نسخه برآراده
(۱۰) غروشد
سنه لکی ۵۲ غروشد.

اداره خانه : باب عالی جاده سنده
رشید افندی خائنده

اخطرات
آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محزون
محمد طاکف

صاحب و مدیر
اشرف ادیب

اتبعون اهدکم سبیل الرشاد

تذکره

۱۳۳۹

آدره من تبدیلنده آریجه
۵ غروش کوندولمیدر .

مکتوبلرک امضالری واضح
و او قوناقلی اولسی و آبونه
صره نومروسینی محتوی
بولومسی لازمدر

ممالک اجنیه ایچون آبونه
اولانلرک آدرس لری شک
فرانسجه یازلسی رجا اولتور .

پاره کوندولدیکی زمان نهیه
داثر اولدیغی بیلدیلمسی
رجا اولتور .

حد و منت ساکدار یارب!

حد و منت ساکدار یارب!

ای رب متعال! سن شو ظاهرده کی انفصالی باطنده کی اتصال ایله وصل ایتمه ایدک، بن بنی کورمز، سنی سزمزده، آکلا یانلره محال، آکلامیانلره دلال اولقی ایسته مزده. سن بکا وجدان دیدکلری بر بولش، وجود دیدکلری بر بولنش احسان ایدک. بن بو بولش ایله کندیمنی کندیمنه بولیور، بولونشمه ایریورم، بوسایده باشقه وارلقلره وارییورم، وجدانلری کندیمنه ضم ایدیورم.

وجدان هر آن تجلی ایدن بر شان باهر اولی، وجود ایسه بو آیینده منکس بر شان آخر. وجدان وجودی کندیمنه متقدم بر شرط ضروری بولیور، بو صورتله وجود وجدانک ایلك متعلق اولیور. وجود اولسه وجدان اولمه حق، وجدان اولسه وجود تجلی ایدمه حک. بروجدان خاص ایله بر وجود خاصک جهت وحدتده مثالك، یعنی نائب و خلیفه ک نفس، وجدان عام ایله وجود عامک مبدأ وحدتده ذاتک متجلی.

یارب! سن بزی بویه برجهتدن وجدان، برجهتدن وجود نامیله ایکی سلسله شتون ایچنده یوزدیر یورسک. ایچنده طیشده هر آن برر نقطه حال اوله رق اوچوشوب طوران لمحات شتون فیلاتیور، بربرلیته باغلا یوب دانلر، دیزلر، جزلر، کلر، هیاتلر، جمیتلر، ملتلر، دولتلر، حاصلی عالم کوستریورسک.

ای حکیم ازلی! شو شئونات جسمانیده جاذبه، شئونات معنویده روح اطلاق اولنان ایکی مبدأ اتصال اولسه ایدی بو اجرام، بو ماحصل انتظام فصل بولنه جقدی؟ افکار و عقول فصل طوتونه جقدی؟ جزء فرد تصویرینک، منشای اولان او نقاط شتون ریاضیاتک اعداد و ابعادی، حکمتک-هیاکل میخانیکه سی، کیمیاک عناصر ذرویه سی، حیاتک حیرات عضویه سی، تاریخ طبعینک موایدی، طبیعتک اجسامی، هیاتک اجرایی، اجرامک عالم ذی انتظامی فصل دیرلر نیر طوبلانیر؟ طوبار لایوب زمانده فصل سور و کله نیردی؟

ای مبدع مطلق! سن بزه بو ثوران شتوندن او ایکی مبدأ اتصال آلتنده ابی عالم وردک و ویریورسک. جاذبه ک مألنده مادیات، روحک مألنده معنویات اوچوریورسک. اثیر مسلمة فیه سیله شتون طبیعتک منتهاسنی حل ایدک ظن ایدلر نه قدر یا کلیورلر. دوشونیورلرک اثیر فضای مجرد کی متصل واحد ایسه اولک بر قسمی فصل حرکت کله بیلیر؟ او دریای سیال فصل تموج ایله بیلیر؟ اجزای فردیه منقسم ایسه هر جزک دیکرندن تمیزی بر انفصاله وابسته در، او حالده بر جزک حرکتی دیکر جزه کچیرن واسطه نه در؟ بر مبدأ انتقاله لزوم قالدن بر جزک حرکتی دیکر جزه طفره ایتدیورب آتلاقی ممکن ایسه انتقال ضیا ایچون اثیر فرضیه سنه نه حاجت واردی؟ هایدی جاذبه بر تعین جوهری عطف ایدرک مادیاتی وصل ایدم، روحه بر تعین جوهری عطف ایدرکده معنویاتی ربط ایدم، فقط بواکی مبدأ اتصال بربرلیته قارشی هر وجهه ذی انفصالیدرلر؟ اوله اولسه ایدی

[۱] بوهفته انراولونان (تحلیلی تاریخ فلسفه: مطالب ومذاهب- مابعدالطبیعه و فلسفه الهیه) عنوانلی اردن.

بنم اولردن نه خبرم اولوردی؟ ارواح ایله اجسام آره سنده نه مناسبت بولنوردی؟ نفس ایله بدن یکدیگرینه فصل محرم اوله بیلیردی؟ حال بوکه بن ارواحده اجسامی کوریورم، شمدی ذهنده مملکتیمک بتون خاطرات جسمیه سی پاشیور. سوکره اجسامده ارواحی کوریورم، مثلاً فعالیت ذهنیه مک شو بدن محدود ایچندن نبعانی طویورم. بو صورتله روح و بدنک اتحاد درجه سنده بر ارتباط ایله بن دیدیکم نفسده قرار قیلدق لریخی آکلا یورم. جسم و روحک بو وصالی اولسه ایدی بن شوقلمی و حتی قلمی طوتان بو الهی فصل بولور، فصل طانیردم؟ المده قلمی فصل اوینا تیردم؟ سواد ذوبیم کی شوسطور سیاهی فصل دوکردم؟ دیمک که دواره طالمک قطبیری مثابه سنده اولان او ایکی مبدأ اتصال آرا سنده دها مهم و دها بیوک بر مبدأ اتصال وار، وارکه روح ایله بدن برله شیور. روح ایله جسمک بومبدأ اتصالده بن کندیمنی بولیورم، «بن» دییه بولیورم، روحانیت و جسمانیت جمع ایدیورم، بواکی صورتک منکس اولدینی بو آیینده نفس دیورم. نفس، کندیمن دیدیکم بومبدأ وحدتده تنیه و تثلیث بیقیلیور، شرک وحدانیت راجع اولیور. آرتق «من عرف نفسه فقد عرف ربه» نه دیمک اولدینی بو مشاهدده آکلا یورم. بوندن سوکره بتون صور ارواحی برطرفه، صور اجسامی برطرفه دیزیورم، ازللره، لایزاللره قوشیورم، نفس کی بیجه نسلر بولندیغی کوریورم، آرازلنده کی مناسبات و اتصالی طویورم، کوروشوب قونوشیورم! کندیمنه کئی اولرده، اولرده کئی کندیمنه تکرار بولیورم، کندی وحدتی وجدان شهود ایله، اولرده کی وحدتی وجدان قیاس ایله آکلا یورم، آرازلنده کی وحدتی یته وجدانده درک ایدیورم، قانس و مقیسک، شاهد و مشهودک، وجدان و وجودک برلشدیکی بو نقطه قصوی آرتق شتونک سدره منتهاسی، وجودک نقطه استواسی اولیور. (الرحمن علی العرش استوی) بونک طاق تجلیسنده اصلمش بر کتابه لدن... بو نشانه یی کوریورم، عرش احدیتکه کلدیکمی آکلا یورم. (اشهد ان لا اله الا الله وحده لا شریک له) دیوب بو درسخانه احدیه کیریورم.

یارب! بو کوردیکم سنیمسک؟ یوقسه نفس کل، نفس عالم، انسان اکبر، انسان کامل دینلن نائب و خلیفه کیدر؟ بن بورایه شتون ایچنده کلدیم، هم نفسله دکل، روحله کلدیم، روحله اتصال ایتدیکم و بن دییه مدیکم برمبدأ وحدته واردیم. نفسدن کچدم، بتون نفوسدن ده کچدم، فقط بو کچیش آز جوق تناهی ایچنده بر کچیش. انا دیه میورم. لکن یته برظل انا ایچنده یم. دیمک که وحدته واررکن، وجدان و وجودک حیثیت مطلقه لریله وحدتلیته دکل، هنوز حیثیت وجدانیه یی حائر بولنان وحدت اضافیه لریته واردیم. بواعبار ایله هنوز ساکا دکل، عرش احدیتکه کلدیم، کرچه شتوندن طوغریدن طوغرییه ساکا آتلامق اقصر طرقدیر. بر نفس عالم، بر جوهر شتون تصویری ایدمک سنی بولقدن دها قولای اولماقله برابر، مراحل وجدانه بر مرحله دها علاوه اتمک در. بناء علیه بونی حل ایدیورمک، وجود شتونی، وجودکدن عبارت کورمک، عشق تقریه دها الویشلی کورونور. حال بوکه شتونک مبادی معروضده نمایان اولان بقای اضافیلری سیلمه دن وجودی وجود شتونک فوقنده کورمک، سنی

بالکثر متعلق وجدان اولان و وجدانك ازاسنده بولنان وجود حادث کھی
بالکثر بذاته بر وجود دکل ، وجدان و وجودك وحدت مطلقه سنی
تأمین ایدن حق مطلق بیلک و جوهریتدن دها متعالی بوجود بذاته
و لذاته طائقی ، سیر ملکوتده دها بیوک بر اعتلايه مظهر اولمقدرد .
سفر بعید مشهداتی تزید ایدر . بو زیاده ایسه کمال مطلقک بر مرتبه
دها تقریدر . اولکی طریقه سن بدیهی مطلقسک ، هر وجود سنک
اولدینی ایچون ، وجدان سنی وجود مطلق ایله بالبداهه بولمش اولور .
ایکینجی طریقهده هم بدیهی وهم نظریسک ، وجدان سنی کندی حصه سنده
بالبداهه ، و حصه وجودده بالنظر بولور . بدیهیت و نظریتک جمی ده
احدیته دها النسب کورونور ، اسم ظاهر و باطنی بو معنایه آ کلامق
اولکی معنادن دها متبادر اولور .

حاصلی سنی عرشده طائقی ، عرشک فوقنده طائقی ، مسئله استوا
دنیلن بو معضله ایمانیهده وجدان ایله وجودی قاریشدیروب «انا الحق»
دینلر اولمش ، «انا» بی افنا ایتمدن سا کا وارانلر وجوداً دکل ،
وجداناً واردقلرینی فرق ایدمه مشلردر . سا کا وجوداً وارانلر کندی
وجودلرینی افنا ایتمش بولنورلر . چونکه وجودکک مواجهه سنده وجودات
سائر مضمحل اولاق مجبوریتندهدر . شهود رؤیت ییله بر وصلت وجدانیه
دیمکدر . شاهد جلالک اولانلر (انت ربی لا اله الا انت خلقتی) دییه
بیللر . منصور سا کا کلدیسه «انا الحق» دیدیکی زمان دکل ، بر
دار اولوب «انا» دن انسلاخ تام بولدینی زمان کله یلمشدر . توحید
مقلد (لا اله الا هو) ، توحید عارف (لا اله الا انت) در ، (لا اله
الا انا) انجی سنک توحیدکدر .

یارب الارباب ویا سرجع الحق والصواب ! سنی آرایانلرک جوغی
یا اعمی بر طبیعت ویا اخرس بر قوت طنز ایتدیلر ، ییار ، ییقاز ، آ کلابوب
آ کلاته ماز ، دیدیلر . بولر مظهر کلامک اولان انبیاده کی سربکی ادراکدن
عاجز قالدیلر . سا کا مناجات ایدنلری غافل ، کلامک ایله اشتغال ایلیانلری
جاهل فرض ایتدیلر . بیلدیلر که کلامک اولسه ایدی کلام بشر اوله مزیدی .
سن آ کلاته سیه ایدک آدم اسایی ییله مزیدی . آ کلاتک ، بیوردک ،
بیوردقلریکی دوپورک . اونلرده بزم دیورمق ، آج کوللری میزی طویورمق
ایچون متمریدن ایله اوغراشدیلر ، نمرودلرله ، فرعونلرله بوغوشدیلر ،
ابوجهلرله دوکوشدیلر . انسانلره سالم بر وجدان ، وجدانلره کامل
بر حریت نوری طوغدیه بولنرله ، بولنرک وارنلرله طوغدی .

ای جال کبریا ! سنی سونلر سوشیر ، سومه یلر دوکوشیر .
انبیاسنی سودی ، دشمنلری قردهش یادی ، حق ، حقوق طانتدی ،
ملتلر میدان کتیردیلر . علم و ولایتی میراث بر اقدیلر . کلامک اولسه ایدی
اونلر اولمزدی . اونلر اولسه ایدی بشریت اجتماعیت فاضله روحنی طویمازدی .
فرعونلر ، نمرودلر اولملرک اوزرنده تقلیدت قهارانه و تسویلات خود کامانه
ایله حکومات جبروتیه قورمق ایستیورلدی . کندیلرینه ، میکلیلرینه ،
صورتلرینه خلقی طایدیرمق سوداسنده بولنیورلدی ، قرده شلری دشمن
یاییورلدی . چونکه روح بشرک نامتناهی تنایلاتی اوچ کونک عمر
ایچنه صیغدیرمقه چالیشیورلدی . ازل ولا یزالک کوللرله انکاسی
دیمک اولان بی پایان تجلیات آمالی بالغاً مابلغ احاطه ایدمه ییلن فسحت
آباد خلک نشوؤ رضاء سندن بی خبر بولنیورلدی . او طول امل ،
او ضیق عمل ، عقوله قنوت ، قلوبه ضجرت ویروردی . محبتی خصومت ،
عشق احتراصه ، اراده یی احتیاله ، حریتی اسارت قلب ایدیوردی .
بزم حقدیر بولمه ییلن قانی کوللری ، هیاکل احتراص ایچنده برلشک
ایچون کارخانه تشهید بوغوشدیر یوردی .

یا منزل الکتاب ، ویا مجری السحاب ! صلوات زاکیه و تسلیات
وافیه کی او انبیای عظامه ، وعلی الخصوص خاتم الانبیاء ، سید الاصفیاء
محمد مصطفی صلی الله علیه وسلم افندمن حضرتلرینه اتخاف ایله که شهادت
وحدانیتکی « و اشهد ان محمداً عبده ورسوله » حجت ایمانیه سیله تأکید
ایدک بشریتی جانی جاننر بوتلرک ربقه اسارتندن قورتارمش ،
فرعونلرک ، قیصرلرک ، کسرالرک مبانی جبروتیه لرینی یقه رق و وجدانلره
ذوق حریتی طاندیرمش و بو ذوق تراضی تامدن حیقان بر اجتماعیت
فاضله یه ، بوتکده حاکمیت وحیده حق تمثیل ایدن بر عبودیت فائزیه
ایقنا ایدمه ییله جکنی آ کلاتمشدر .

مشکاة محمدیه دن اشراق الیه بن انوار لاهوتیه یی اقتباس ایدوب
جهان بشره علما و عملاً نشر و افاضه ایله حق و حقیقت مدنیق تبلیغ
ایلمش اولان آل و اصحاب محمدی بی رضوان رحمتکله بکام ایت . زمانک
اک شدتلی صدمات اجتماعیه سنه معروض قالان ملت اسلامک انتباهنی
اکال و فلبلرینی عرشکاه احدیتکدن یکی یکی فیوضات ایله مالامال ایله
یاربی . اللهم صل علی سیدنا محمد وعلی آله و صحبه اجمعین .

المطالعی مصری

ایچکی علیرنده

منع مسکرات قانوننک محافظه سی ایچونه منلک مراجعتلری

برنجی بویوک ملت مجلسی طرفندن نشر اولونان منع مسکرات
قانوننک الفا ویا تعدیلی حقنده کی تصور و تشبیلری خبر آلان مسلمان
خلق ، قانونک عینیه ایقاسی ایچون سسنی جیقارمه یه باشلامشدر .
اساساً خلقمن عمومیت اعتباریله دیندار ، حسن اخلاق صاحبی و ایچکی ،
قمار ، فحش کی فضاخ و رذله شدتله علیمداردر . اولک ایچون
ایچکینک ممنوعیتی حقنده کی قانونی او زمان فوق العاده ممنونیتله

قارشولامشیدی ، بو کون ده قانونک قالفه جنی اندیشه سیله یک متأثر
و منفعل اولمدهدر . بر چوق محللر منتخب نایلرک مجلسه و مبعوثلرینه
مراجعت ایتدیکی ، خلقک آرزوسی منع مسکرات قانوننک شدتله
محافظه و ابقاسندن عبارت اولدینی بیلدیردکاری خبر آلمقدردر . کرک
مبعوثلرینه ، کرک مجلسه کوندردکاری تلغرافلرک برر صورتلرینی ده
مطبوعانه ارسال اتلرینی رجا ایدرز . بالطبع (سبیل الرشاد) بو
تلغرافلرینی کال ممنونیتله نشر ایدر . بوندن باشقه مسلمانانی مدافعه
ایدن وفادره ، ایچکی نه ، فحشه قارشو شدتلی مجالده بولونمده اولان
(توحید افکار) غرضه سی ده خلقک بو خصوصده کی مکتوب و تلغرافلرینک
نشرینی درعهده ایتمش و خلقی بو مجاهده یه اشتراک دعوت ایله مشدر .